



永樂十一年八月十九日光中復現  
聖像後有一神侍從

大明玄天上帝瑞應圖錄

御製真武廟碑

朕惟凡有功德於國者無間於幽冥必有  
酬報之典天人之際理一無二惟  
北極玄天上帝真武之神其有功德於我  
國家者大矣昔朕

皇考太祖高皇帝乘運龍飛乎定天下雖文  
武之臣克協謀佐實神有以相之肆朕肅  
靖內難雖亦文武不二心之臣疏附先後  
奔走禦侮而神之陰翊贊堂樞機幹  
運洪化擊電鞭霆風驅雲駛降左右流  
動揮霍濯濯洋洋續續紛紛翕欬恍惚速  
尤顯著神用天休莫能紀極今天臣鄰之  
功揆厥上下凡近易見故報之亦易若夫  
神之宏功偉烈行乎天地統乎陰陽充周  
普遍幽深玄遠窮乎莫測浩乎難窮而報  
之為實難不有為永久之圖則亦無以稱  
朕之心焉嘗以武當山神之修真凝道超  
舉升化之地已命創建宮觀永永祀神上  
以資薦

皇考

皇妣在天之靈下為天下生靈祈豐年綏福

履自經始至子告成之日神顯靈應嘉生  
屢臻異觀殊觀千態萬狀言難罄述筆莫  
殫紀雖有善巧者亦莫能形容其彷彿也  
稽諸載籍曠乎前聞夫以神之昭既於朕  
者又若此抑朕復何以為神之報哉其不  
尤難矣乎顧惟北京天下之都會乃神常  
翊相予於艱難之地其可無廟宇為神攸  
棲與臣民祝祈倚庇之所遂差吉創建崇  
殿脩廡締構維新充塞高明規模弘遠神  
靈感乎來遊來止星塵颯颯飄飄旖旎儼  
然視瞻歲時瀟灑以虔祀事庶幾朝夕神  
保無斃雖然神之佑相於朕者固不係乎  
報不報而朕心之拳拳不已者故無所用  
其至惟盡其誠而已然則神之為貺亦豈  
啻此而止覆而為雲澤而為雨鼓之為雷  
霆明之為日月驅袂袂於無水旱札瘥以  
生夫萬物者其廕庇於吾民又豈有窮乎  
於是為文以記之并系以詩曰  
先天始氣五靈君玄老太陰實化成察微

知遠生神靈修真內鍊心志寧潛契太虛  
感玉清功滿道備乘龍行歸根復位以顯  
名天地悠久日月并神昭功德顯我明手  
揮化機佐運興武當毓秀何呼嶽琳宮仙  
館啟瓊瑤用報神既表孝情神敷嘉錫備  
休徵翼翼寢廟建北京人微覲兮神懷憐  
晨鐘暮鼓聲鏗鉤神之來兮風泠泠駕飛  
龍兮驅流星飄翠蓋兮騎霓旌八鸞九鳳  
先後迎候而來兮忽而升劍光吐納陰陽  
精效為靈兮擊為靈陶鑄萬量無留停祥  
風甘雨宣和平高靈黍兮下宜抗祛祿蕩  
札民物亨清醕進兮肴核馨報萬祀兮法  
一誠

永樂十三年八月十三日

玄天上帝啓聖靈異錄

元創建真武廟靈異記

翰林侍講學士兼戶部侍郎徐世隆撰

皇帝踐祚之十年真新大邑於燕落成有日  
矣是歲冬十二月庚寅有神蛇見於城西高  
梁河水中其色青首耀金彩觀者驚異繫香  
延召蜿蜒就享而去翼日辛卯復有靈龜出  
遊背紋金錯祥光絢爛回旋者久之夫隆冬  
閉藏之候也龜蛇潛蟄之類也出以是時其  
為神物也昭昭矣既而事傳禁掖皇后遣中  
使詢於衆咸以為玄武神應於是有所以明  
年二月甲戌即所現之地構祠焉昭靈既也  
謹按文耀鉤云北宮黑帝其精玄武建北方  
之神也我國家肇基朔方盛德在水今天子  
觀四方之極建邦設都屬水行方盛之月而  
神適降所以延洪休昌景命開萬世太平之  
業者此其兆歟嗚呼廟既新矣神其莅止自  
茲已往俾雨暘時若年教屢豐躋民仁壽之  
域寔我聖后輔佐  
聖天子敬恭神明之意也世隆承乏文職獲

觀茲瑞敢跡其實為之記云  
至元七年二月 日

元創建昭應宮碑

吏部尚書徐世隆撰

國家肇基朔方以神武定天下列聖相承際  
每之外固不臣妾主上誕膺天命嗣守大統  
稽考典章用潤色鴻業建宗廟修禮樂立官  
制文物煥然為之一新惟是官殿未備群臣  
請定都於燕上可其奏乃以至元三年新都  
于故城之北越六年十二月庚寅城之西高  
梁河之南金水中有蛇出焉長尺餘首耀金  
彩背負青章見者異之咸奉香迎拜蛇馴而  
近人引頸顧眄蜿蜒入盤嗅香久之而去明  
日復有神龜玄文綠質游泳岸曲若出而效  
靈者衆以為龜蛇天地之關軸當隆冬閉藏  
之候鱗介所蟄本迭出互見必有由而然太  
府監玉牒尺不花被中官命監工役西郊適  
睹此事遂入奏聞皇后使訪問博物大臣以  
玄武神見為對遂出內帑物俾即其所見之  
地構祠焉特遣玉牒尺不花戊辰歲役以行